

Plan hygieny za Serbski dom

1) Zasadnje

Jednaćelstwo kaž tež wjednistwa jednotliwych institucijow postaraja so wo to, zo sobudźěłaćerki a sobudźěłaćerjo hygieniske pokiwy chutnje na wědomje bjeru a so tute přesadźa (zawjedženje, powučenje).

Přistajeni w Serbskim domje zaměstnjenych institucijow kaž tež wopytowarjo Serbskeho domu a wobchodni partnerojo maja so po hygieniskich pokiwach strowotniskeho zarjada resp. Robert Koch-institutu měć.

Ležownostny- a objektny zarjad Założby (tel. č. 03591/550311) je zamołwity za přesadženje a dodžerženje plana hygieny w Serbskim domje .

2) Wosobinska hygiena

Korona wirus přenjeso so wot čłowjeka na čłowjeka. Hłownje móžeće so přez sliny natyknyć, to rěka při rěčenju, kašlowanju a třichanju. To stanje so přewažnje direktnje přez sliničku při dychanju. K tomu móžeće so tež indirektnje přez dawanje ruki, kotrež so potom dótknu z slinami huby, nosa abo woči, natyknyć. Za přenjesenje wirusa přez kontaminowane přoniny je prawdžepodobnosć po měnjenju fachowcow dotal niska, njeje pak dospołnje njemóžne.

Najwažniše naprawy

- w Serbskim domje ma so nahubnik nosyć
- postajene wotstawki a puće kaž tež pokiwy maja so dodžeržeć
- wotstawk wot 1,5 m k sobučłowjekam ma so dodžeržeć
- žane dótkanja, wobjimanja a postrowjenja z ruku
- zakładna hygiena inkluziwnje myće rukow ma so dodžeržeć
- džiwaćće při kašlowanju a třichanju na etiketu
- registracija hosći ma so zawěsćić
- zakaz zastupa za wosoby ze symptomami, kotrež pokazaja na COVID-19

3) Hygiena w rumnosćach: přebywanske rumnosće, zarjadniske rumnosće a chódby

Postajene wotstawki a puće w domje a pokiwy w foyeru maja so dodžeržeć.

Zo by so zadźěłało přenjesenju infekcije ma so tež w zarjadniskim džěle wotstawk wot 1,50 m dodžeržeć. To rěka, zo so tež džiwa na wotstawk mjez blidami w běrowje, z rezultatom, zo su wo něšto ludźi mjenje (sobudźěłaćerjo a wopytowarjo) hač w normalnym džěle. Partnerske a skupinske džěło je jenož z dodžerženjom naprawow móžne.

Wosebje wažne je tež prawidlowne a prawe přewětrjenje rumnosće, tak zo so powětr w rumnosći wuměni. Wjacore króć na dnju, znajmjeńša w kóždej přestawce, maće wokno šěroko wotewrić a rumnosć tak někotre mjeńšiny dołho prawje přewětrić. Nachilene wokno njeje dosahace.

Lift nima so zhromadnje wužiwać, ale stajnje jenož přez jednu wosobu.

Rjedženje

Powšitkownje woteběra prawdžepodobnosć natyknjenja z korona wirusom na nježiwych płoninach we wotwisnosći materiala a wobstojnosćow wobswěta kaž temperatura a wložnota. Dopokazy za přenjesenje přez płoniny w zjawnosći dotal njeředleža.

W zarjadniskim džěle ma so na rjedženje tajkich płoninow džiwać. To płaći tež za płoniny, kotrymž přiličimy antimikrobielne kajkosće; tež tute maja so wot sekretow a womazanja wurjedzić.

Na rozdźěl k rjedženju w zarjadniskim džěle nima zasadnje rjedženje wopřimać rutinowanu desinfekciju płoninow, tež nic za čas COVID-pandemije, tak RKI. Přiměrjene rjedženje je tu dosahace.

Slědowace areale maja so přez rjedžensku firmu / přistajenych wosebje dokładnje a často wužiwane wobłuki wšědnje wurjedzić:

- přimadła durjow
- přimadła schód
- zapinaki
- blida (přez přistajenych)
- myški ličaka a tastatury (přez přistajenych)
- telefony (přez přistajenych).

4) Hygiena w sanitarnych rumnosćach

We wšitkich sanitarnych rumnosćach dyrbjta w dosahacej měrje stać k dispoziciji běžite mydło, trjenja k jónkrótnemu wužiwanju a nuznikowa papjera. Wšitko to ma so prawidlownje kontrolować a zaso napjelnić. Wotpowědne sudobja za trjenja k jónkrótnemu wužiwanju maja być na městnje. Při zachodže nuznikow ma so z jasnje widžomnym pokiwowom na to skedźbnić, zo smědža w rumnosćach nuznika stajnje jenož jednotliwe wosoby přebywać (we wotwisnosći wot wulkosće sanitarneho wobłuka). Sedła nuznikow, armatury, wumywadła a špundowanje ma rjedženska firma prawidlownje rjedzić.

5) Přenajeće rumnosćow (žurla, sydarnja)

Zarjadowar je zasadnje winowaty, plan higieny přesadzić.

K zadžěwanju přenjesenja infekcije přez kapki ma so mjezsobny wotstawk znajmjeńša 1,5 metrow dodžerjeć kaž tež nahubnik nosyć. To rěka, zo maja so blida w sydarnjach wotpowědnje zdalene nastajić a z tym je mjenje wobdźělnikam abo sobudžělačerjam móžno, so na zarjadowanju wobdźělič hač na normalnych zarjadowanjach. Partnerske a skupinske džěto je jenož při dodžerženju trěbneho wotstawka a z nahubnikom móžne.

Postajene wotstawki a puće a pokiwy k tomu maja so wobkedźbować.

Wosebje wažne je tu, rumnosće prawidlownje a porjadnje přewětrić, dokelž so tak powětr w rumnosći wuměni. Wjacore razow wob džeń, znajmjeńša w kóždej přestawce ma so z šěroko wočinjenymi woknami w krótkich wotstawkach wjacore mjeńšiny dołho přewětrić.

6) Serbska kulturna informacija (SKI)

Tež tu płaća powšitkowne předpisy hygieny resp. hygieniske naprawy wotpowědnje doporuchenjam instituta Roberta Kocha.

Wužiwanje nahubnika w rumnosćach SKI je za dorosćenych kaž tež dźěći nad 6 lětami po zakonskich předpisach trěbne a wuměnjnje k zastupej do SKI. Desinfekciske srědky steja při zachodach k dispoziciji.

Markěrowanja wotstawkow a pokiwy w foyeru kaž tež wustajenskeje rumnosći maja so dodźeržeć.

Runočasny zastup je na jenož pjeć wosobow wobmjezowany.

Sobudźěłaćerjo SKI wopytowarjow wodža, tak so wulkosć skupinow a ličba wopytowarjow w SKI po zakonskich doporuchenjach reguluje.

Prócujemy so wo bjezpjenežne płaćenje. W kasowym wobłuku je jako škit připrawjena škitna škleńca.

7) Wužiwanje pućow

Ma so na to dźiwać, zo so runočasnje wšitcy sobudźěłaćerjo / hosćo na chódbach k běrowam, sanitarnym rumnosćam abo sydarnjam njepohibuja. Při zarjadowanjach z wjacorymi wosobami maja so puće a chódby specifisce, wotwisuju wot rumnostnych poměrow wotpowědnje k zastupej a wuchodej jako jednosměrne wopokazać a sobudźěłaćerjo / hosćo maja so na to skedźbnić, křižowanja wobeńć.

8) Wužiwanje službných jězdźidłow

Ma so na to dźiwać, zo wšitcy wužiwarjo službných jězdźidłow wužiwaja nahubnik. Z přičin zadźěwanja njezbožow (njewobmjezowany wid) su šoferojo sami z tuteje naprawy wuwzaći.

9) Kónčne přispomnjenja

Powšitkownje płaći domowy porjad Serbskeho domu. K aktualnemu položanju maja so informacije na internetnej stronje wobkedźbować. Zasadnje płaći plan doniž so njezběhnje.

Budyšin, dnja 30.11.2020